

**Sumáriu Kazu
Tribunál Distritál Suai
Maiu 2017**

A. Sumáriu prosesu julgamentu kazu iha Tribunál Distritál Suai

1. Totál kazu ne'ebé JSMP monitoriza :18

Tipu kazu	Númeru	
Artigu 145 Kódigu Penál (KP) no konjuga ho artigu 2, 3, 35 no 36 LKVD	Ofensa ba integridade física simples ho natureza violénsia doméstika no tipu ilísitu sira kona-ba violénsia doméstika	3
Artigu 145 KP	Ofensa ba integridade física simples	4
Artigu 225 KP	La halo tuir obrigasaun alimentar	2
Artigu 177 KP	Abuzu seksuál ba menór	1
Artigu 146 KP	Ofensa ba integridade física grave	1
Artigu 145 Kódigu Penál (KP) no konjuga ho artigu 2, 3, 35 36 LKVD & artigu 157 KP & artigu 258 KP	Ofensa ba integridade física simples ho natureza violénsia doméstika, ameasa no danu simples	1
Artigu 259 KP	Danu agravadu	1
Artigu 316 KP	Kontrabandu	1
Artigu 178 KP	Aktu seksuál ho adolexente	1

Artigu 185 & 258 KP	Violasaun ba domisíliu no danu simples	1
Artigu 172 KP	Violasaun seksuál	1
Artigu 218 KP	Espésie ameasada ka ho perigu atu hotu	1
Totál		18

2. Totál desizaun ne'ebé JSMP monitoriza :14

Tipu desizaun	Númeru
Omologa dezisténsia keixa	7
Suspensaun ba prizaun nia ezekusaun (artigu 68) KP	4
Suspensaun ba prizaun nia ezekusaun (artigu 68) KP no Indemnizasaun ba lezada	1
Multa (artigu 67) KP	1
Absolve	1
Totál	14

3. Total kazu sira ne'ebé adia tuir JSMP nia monitorizasaun : 3

Razaun adiamantu	Númeru kazu
Arguidu la marka prezensa	1
Arguidu no lezada la marka prezensa	2
Totál	3

4. Totál kazu sira ne'ebé sei kontinua prosesu tuir JSMP nia monitorizasaun: 1

B. Deskripsiun sumáriu ba desizaun kazu sira

1. Krime danu agravadu

Nú. Prosesu	: 0002/16.ANANV
Kompozisaun Tribunál	: Koletivu
Juis	: Dr. Nasson Sarmento Dr. Samuel da Costa Pacheco Dr. Argentinho Luisa Nunes
Prokuradór	: Dr. Matias Soares
Defeza	: Dr. Manuel Amaral
Tipu pena	: Pena prizaun tinan 1 suspende ba tinan 2

Iha 11 Maiu 2017, Tribunál Distritál Suai prezide julgamentu leitura akordaun ba krime danu agravadu ne'ebé envolve arguidu JHFS hasoru Estadu RDTL, iha Distritu Ainaro.

Akuzasaun hosi Prokuradór

Prokuradór akuza katak, iha 24 Dezembru 2015, arguidu kesi nia karau-vaka besik iha haris fatin Edifisiu Edukasaun Ainaro nian. Iha oras meudia bainhira arguidu atu ba haree fali karau ne'e maibé karau refere laiha ona, tanba ne'e arguidu nervozu hodi baku rahun kadeira 7, odamatan 1 no kuadru vidru avizu 1. Totál sasan ne'ebé mak arguidu estraga konverte ba osan hamutuk US\$300,00.

Prokuradór akuza arguidu kontra artigu 259 Kódigu Penál kona-ba danu agravadu ho nia moldura penal tinan 2 to'o tinan 8 prizaun.

Produsaun ba provas

Iha julgamentu, arguidu konfesa faktus hotu iha akuzasaun no arrepende ona nia hahalok. Liután arguidu deklara katak troka ka rekupera fali ona sasan ne'ebé nia estraga.

Alegasaun finál

Iha alegasaun finál, Prokuradór konsidera arguidu ninia hahalok ne'e prienze duni krime danu agravadu, tanba ne'e husu ba Tribunál atu kondena arguidu tuir krime ne'ebé arguidu komete.

Enkuantu Defeza haktuir katak arguidu konfesa faktus hotu iha akuzasaun no arrepende ona nia hahalok, tanba ne'e husu ba Tribunál atu fó justisa ba arguidu.

Desizaun

Tribunál prova katak arguidu komete duni krime danu agravadu tuir faktus husi akuzasaun. Bazeia ba provas hirak ne'e nomós sirkunstânsia relevantes sira hotu, Tribunál kondena arguidu ho pena prizaun tinan 1 suspende ba tinan 2 no selu kustu judisiál US\$20,00

2. Krime ofensa ba integridade fízika simples ho natureza violénsia doméstika, ameasa no danu simples

Nú. Prosesu	:	0006/15.MFFBL.
Kompozisaun Tribunál	:	Singulár
Juis	:	Dr. Alvaro Maria Freitas
Prokuradòr	:	Dr. Napoleão Soares da Silva
Defeza Privadu)	:	Dr. Sergio G. Lobo da Silva Junior (Advogadu
Tipu pena	:	Pena prizaun tinan 3 suspende tinan 5 no indemnizasaun civil ba lezada

Iha 09 Maiu 2017, Tribunál Distritál Suai prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu BE hasoru nia feen, iha Distritu Manufahi.

Akuzasaun hosi Prokuradór

Prokuradór akuza katak iha 31 Dezembru 2015, arguidu lori fatuk bo'ot tuda lezada maibé la kona. Hafoin arguidu kontinua duni tuir lezada no tebe dala 2 iha lezada nia knosen, sunu lezada nia roupa no dokumentus suku nian. Arguidu mós haruka lezada atu para servisu, se la para arguidu ameasa sei oho lezada no sei soe/husik tiha lezada.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál fulan 1 to'o tinan 3 ka multa no konjuga ho artigu 2, 3 no 35 (b) LKVD no artigu 157 KP kona-ba ameasa ho nia moldura penal tinan 2 ka multa no artigu 258 KP kona-ba danu simples ho nia moldura penal tinan 3 ka multa.

Produsaun ba provas

Iha prosesu julgamentu, arguidu konfesa parsialmente ba faktus sira iha akuzasaun. Arguidu deklara katak nia baku duni lezada no sunu lezada nia dokumentus no roupa maibé la ameasa lezada. Iha parte seluk lezada kontinua konfirma no reforsa faktus sira iha akuzasaun. Lezada mós deklara katak família hosi parte rua koko atu rezolve problema ne'e tuir lisan Timor nian, maibé la konsege, tanba ne'e lezada tauk no halai ba hela iha nia bin ninia uma.

Alegasaun finál

Prokuradór konsidera katak arguidu provadu komete krime tolu, tanba ne'e husu ba Tribunál atu kondena arguidu ho pena prizaun tinan 3 fulan 8 suspende ba tinan 5 no husu atu selu indemnizasaun sivil ba lezada, nu'udar prevensaun ida ba arguidu atu la repete tan hahalok hanesan ne'e iha futuru.

Enkuantu Defeza haktuir katak arguidu deklara de'it faktus ne'ebé nia komete, tanba ne'e husu ba Tribunál atu aplika pena ne'ebé adekuadu ba arguidu.

Desizaun

Tribunál prova katak arguidu komete krime tuir faktus sira iha akuzasaun. Bazeia ba provas hirak ne'e, Tribunál konklui no kondena arguidu ho pena prizaun tinan 3 suspende ba tinan 5 no kondena arguidu atu selu indemnizasaun sivil ba lezada US\$90,00.

3. Krime ofensa ba integridade fizika simples

Nú. Prosesu	: 001416/16.CVMCT.
Kompozisaun Tribunál	: Singulár
Juis	: Dr. Benjamin Barros
Prokuradòr	: Dr. Napoleão Soares da Silva
Defeza	: Dr. Francisco Caetano Martins
Tipu Pena	: Omologa dezisténsia keixa

Iha 03 Maiu 2017, Tribunál Distritál Suai prezide prosesu tentativa konsiliasaun ba krime ofensa ba integridade fizika simples ne'ebé envolve arguidu JA ho FF hasoru lezadu CCdM, iha Distritu Covalima.

Akuzasaun hosi Prokuradór

Prokuradór akuza katak iha 07 Abril 2016, lezadu ho motor atu ba area Ranok. Iha dalan lezadu nia namorada telefone lezadu no para/hamate motor hodi simu telefone. Derepente arguidu JA hakbesik lezadu hodi hakilar “*hoi nusa*” maibé lezadu la responde no kontinua atu ba bengkel. Arguidu tuir lezadu no hapara lezadu iha dalan klaran no arguidu FF tebe dala 1 iha lezadu nia kotuk laran no arguidu JA lori korenti motor nian baku dala 1 iha lezadu nia reen-toos no halo lezadu monu ba rai. Aktu hirak ne'e rezulta lezadu sofre moras, bubu no kanek iha lezadu nia reen-toos no kotuk laran.

Prokuradór akuza arguidu sira kontra artigu 145 KP kona-ba ofensa ba integridade física simples ho moldura penál too tinan 3 ka multa.

Produsaun ba provas

Antes tama ba produsaun ba provas, bazeia ba artigu 262 KPP kona-ba tentativa ba konsiliaisaun, juis husu atu halo tentativa konsiliaisaun ba arguidu sira no lezadu.

Iha prosesu tentativa konsiliaisaun ne'e, arguidu sira husu deskulpa ba lezadu no promete sei la repete tan krime hanesan hasoru lezadu iha futuru. Tanba ne'e lezadu husu ba Tribunál atu dezisté ninia-keixa hasoru arguidu sira.

Alegasaun finál

Prokuradór no Defeza apresia akordu dame ne'ebé parte rua deside ona no husu ba Tribunál atu omologa prosesu ne'e.

Desizaun

Bazeia ba pedidu dezisténsia hosi lezadu no akordu dame hosi parte sira, Tribunál konklui prosesu ne'e no omologa akordu ne'e.

4. Krime ofensa ba integridade fizika simples

Nú. Prosesu	: 0033/16.PDSUA.
Kompozisaun Tribunál	: Singulár
Juis	: Dr. Benjamin Barros
Prokuradòr	: Dr. Napoleão Soares da Silva
Defeza	: Dr. Francisco Caetano Martins
Tipu pena	: Omologa dezisténsia keixa

Iha 12 Maiu 2017, Tribunál Distritál Suai prezide prosesu tentativa konsiliaun ba krime ofensa ba integridade fízika simples ne'ebé envolve arguidu FDC no EDD hasoru lezadu FDJ no AF, iha Distritu Covalima.

Akuzasaun hosi Prokuradór

Prokuradòr akuza katak iha 14 Fevereiru 2016, lezadu tula nia oan ho motor hosi Dili atu ba Holpilat. Wainhira too iha arguidu EDD ninia-uma oin, arguidu hapara netik lezadu. Tanba ne'e lezadu husu "*nusa mak hapara hau?*," arguidu EDD losu xave motor no tuku dala 1 iha lezadu AF nia ibun parte loos. Aktu ne'e rezulta lezadu sofre kanek iha lezadu ninia-ibun no ran no arguidu FDC tuku dala 1 iha lezadu FDJ ninia-kabun kidun no halo lezadu sente moras.

Prokuradór akuza arguidu sira kontra artigu 145 KP kona-ba ofensa ba integridade fízika simples ho moldura penál too tinan 3 ka multa.

Produsaun ba provas

Antes tama ba produsaun ba provas, bazeia ba artigu 262 KPP kona-ba tentativa ba konsiliaun, juis husu atu halo tentativa konsiliaun ba arguidu no lezadu.

Iha prosesu tentativa konsiliaun ne'e, arguidu sira husu deskulpa ba lezadu sira no deklara katak sira arrepende ona sira ninia hahalok no promete katak sei la komete tan krime hasoru lezadu sira no ema seluk iha futuru. Tanba ne'e lezadu sira husu ba Tribunál atu dezisté sira nia keixa hasoru arguidu sira.

Alegasaun finál

Prokuradór no Defeza apresia akordu dame ne'ebé parte rua deside ona no husu ba Tribunál atu omologa prosesu ne'e.

Desizaun

Bazeia ba pedidu dezisténsia keixa hosi lezadu sira no akordu dame hosi parte sira, Tribunál konklui prosesu ne'e no omologa akordu ne'e.

5. Krime violasaum ba domisíliu no danu simples

Nú. Prosesu	: 0076/16.PDSUA.
Kompozisaun Tribunál	: Singulár
Juis	: Dr. Samuel da Costa Pacheco
Prokuradòr	: Dr. Matias Soares
Defeza	: Dr. Gaspar Pereira Gusmão (Advogadu Privadu)
Tipu pena	: Omologa dezisténsia keixa

Iha 16 Maiu 2017, Tribunál Distritál Suai prezide prosesu tentativa konsiliasaun ba krime violasaun domisíliu no danu simples ne'ebé envolve arguidu AD no DSA hasoru lezadu AM, iha Distritu Covalima.

Akuzasaun hosi Prokuradór

Prokuradór akuza katak iha 27 Maiu 2016, lezadu ba haree nia uma iha Sanfuk no hetan katak arguidu sira selok obriga janela hodi foti lezadu nia sasan ne'ebé rai iha uma laran hanesan sofa, kama-ai no sasan dapur nian.

Prokuradór akuza arguidu sira kontra artigu 185 kona-ba violasaun domisíliu ho moldura penál tinan 2 ka multa no artigu 258 kona-ba danu simples ho moldura penál too tinan 3 ka multa.

Produsaun ba provas

Iha prosesu konsiliaisaun ne'e, arguidu sira husu desculpa ba lezadu no entrega fali osan US\$700,00 ba lezadu hodi selu fali sasan ne'ebé arguidu sira foti. Tanba ne'e lezadu husu ba Tribunál atu dezisté nia-keixa hasoru arguidu sira.

Alegasaun finál

Prokuradór no defeza apresia akordu dame ne'ebé parte sira desde ona no husu ba Tribunál atu omologa prosesu ne'e.

Desizaun

Bazeia ba pedidu dezisténsia hosi lezadu no akordu dame husi parte sira, Tribunál omologa prosesu ne'e.

6. Krime ofensa ba integridade física simples ho natureza violénsia doméstika

Nú. Prosesu	: 0034/16.ANANV.
Kompozisaun Tribunál	: Singulár
Juis	: Dr. Constâncio Barros Basmery
Prokuradòr	: Dr. Matias Soares
Defeza	: Dr. Marçal Mascarinhhas
Tipu pena	: Pena prizaun tinan 1 suspende tinan 1

Iha 17 Maiu 2017, Tribunál Distritál Suai prezide julgamentu leitura sentesa ba krime ofensa ba integridade física simples ho natureza violénsia doméstika ne'ebé envolve arguidu AM hasoru nia feen, iha Distritu Ainaro.

Akuzasaun hosi Prokuradór

Prokuradór akuza katak iha 10 Agostu 2016, arguidu basa dala 4 iha lezada nia hasan parte loos no karuk, nune'e lezada ninia-ulun kona iha kama no rezulta kanek no ran.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penal to'o tinan 3 ka multa no konjuga ho artigu 2, 3 no 35 (b) LKVD.

Produsaun ba provas

Iha julgamentu, arguidu konfesa faktus hotu iha akuzasaun. Aleinde ne'e lezada kontinua konfirma no reforsa faktus husi akuzasaun Prokuradór.

Alegasaun finál

Prokuradór konsidera arguidu provadu komete krime hasoru lezada. Tanba ne'e husu ba Tribunál atu kondena arguidu ho pena prizaun tinan 1 suspende ba tinan 1 nu'udar prevensaun ida ba arguidu atu la repete tan nia hahalok ne'e iha futuru. Enkuantu Defeza husu ba Tribunál atu aplika pena ne'ebé adekuada liu ba arguidu, tanba arguidu konfesa faktus hotu iha akuzasaun.

Desizaun

Tribunál prova katak arguidu komete duni krime tuir faktus sira iha akuzasaun no kondena arguidu ho pena prizaun tinan 1 suspende ba tinan.

7. Krime la halo tuir obrigasaun alimentár

Nú. Prosesu	: 0149/16.BBMLV
Kompozisaun Tribunál	: Singulár
Juis	: Dr. Constancio Barros Basmery
Prokuradór	: Dr. Matias Soares
Defeza	: Dr. Albino de Jesus Pereira
Tipu pena	: Omologa dezisténsia keixa

Iha 17 Maiu 2017, Tribunál Distritál Suai prezide prosesu tentativa konsiliasaun ba krime la halo tuir obrigasaun alimentár ne'ebé envolve arguidu LM hasoru lezada IDJ, iha Distritu Bobonaro.

Akuzasaun hosi Prokuradór

Prokuradór akuza katak iha 10 Abril 2016, arguidu ho lezada diskute malu tanba arguidu hola ona feto seluk no nunka fó alimentasaun ba nia oan nain rua ne'ebé sei kiik.

Prokuradór akuza arguidu kontra artigu 225 KP kona-ba la halo tuir obrigasaun alimentár ho moldura penál to'o tinan 3 ka multa.

Produsaun ba provas

Bazeia ba artigu 262 KPP kona-ba tentativa konsiliasaun, antes tama ba produsaun ba prova, juis husu atu halo tentativa konsiliasaun ba arguidu no lezada.

Iha prosesu konsiliasaun ne'e, lezada hakarak dezisté nia-keixa hasoru arguidu, maibé ho kondisaun katak, arguidu tenke fó osan US\$50.00 kada fulan ba labarik sira no arguidu aseita ho pedidu ne'e.

Alegasaun finál

Prokuradór no Defeza apresia akordu dame ne'ebé parte rua deside ona no husu ba Tribunál atu omologa prosesu ne'e.

Desizaun

Bazeia ba pedidu dezisténsia hosi lezada no akordu dame husi parte sira, Tribunál omologa dezisténsia keixa ne'e ho kondisaun ida katak arguidu tenki kumpri nia promesa atu fó osan kada fulan US\$50.00 ba ninia-oan nain rua.

8. Krime abuza seksuál ba menór

Nú. Prosesu	: 0043/15. CVSLL
Kompozisaun Tribunál	: Koletivu
Juis	: Dr. Nasson Sarmento, Dr. Constâncio Barros
Basmery no	Dr. Samuel da Costa Pacheco
Prokuradór	: Dr. Matias Soares
Defeza	: Dr. Albino de Jesus Pereira
Tipu pena	: Absolve

Iha 18 Maiu 2017, Tribunál Distritál Suai prezide julgamentu leitura akordaun ba krime abuza seksuál ba menór ne'ebé envolve arguidu EJdD hasoru lezada FC, iha Distritu Covalima.

Akuzasaun hosi Prokuradór

Prokuradór akuza katak iha 27 Setembru 2015, lezada ba kuru bee no lezada nia kolega bolu lezada atu ba Sra. T ninia uma tanba arguidu hein hela lezada. Wainhira to'o iha Sra. T ninia-uma, arguidu dada kendas lezada nia liman loos no buti-meti lezada ninia ibun no arguidu lori liman karuk buti iha lezada nia susun no rezulta moras iha lezada nia susun. Antes ne'e iha Agostu 2015, arguidu ho lezada halo relasaun seksuál dala rua: permeiru iha lutu-hun no segundu iha ai-teka laran, wainhira lezada ba hili aimaran no rezulta moras iha lezada ninia orgaun seksuál.

Prokuradòr akuza arguidu kontra artigu 177 alinea (1) kona-ba abuzu seksuál ba menór ho moldura penal tinan 5 to'o tinan 10.

Produsaun ba provas

Iha julgamentu arguidu rejeita totalmente faktus hotu iha akuzasaun. Arguidu deklara katak nia la halo relasaun seksuál hoлезада. Liután arguidu deklara katak wainhira hasoru malu hoлезада iha Sra. T ninia uma konsege kaer liman hoлезада no ko'alia halimar hoлезада hamutuk hoSra. T, too fila ba uma.

Wainhira Tribunál konfirma hoлезада noлезада deklara katak faktus iha akuzasaun ne'e laloos. Lezada mós deklara katak lezada hasoru arguidu foin dala 1 de'it no ida-ne'e mak akontese iha Sr. T ninia uma no sira tuur hamutuk iha Sra. T nia uma no konta istoria de'it.

Testemuña N nu'udar arguidu nia subriña deklara katak nia haree ho matan arguidu la rasta no la buti lezada nia susun, maibé sira tuur ko'alia halimar depois fila fali ba ida-idak nia uma.

Alegasaun finál

Iha alegasaun finál, Prokuradór haktuir katak arguidu rejeita faktus hotu iha akuzasaun maibé Prokuradór fiar katak arguidu komete duni krime hasoru lezada. Tanba ne'e husu ba Tribunál atu tetu didiak antes halo desizaun ba kazu ne'e

Enkuantu Defeza argumenta katak lezada ninia deklarasau iha julgamentu laran la hanesan no kontráriu ho faktu sira ne'ebé deskrebe ona iha akuzasaun Prokuradór nian. Tanba ne'e husu ba Tribunál atu ignora alegasaun hosi Prokuradór no absolve arguidu husi kazu ne'e.

Desizaun

Depoisde avalia faktus ne'ebé prodús durante julgamentu no bazeia ba relatório medíku, Tribunál la hetan prova katak arguidu halo relasaun seksuál ho lezada. Tanba ne'e Tribunál konklui prosesu ne'e no absolve arguidu.

9. Krime ofensa ba integridade fízika simples

Nú. Prosesu	: 0038/15.CVSLL
Kompozisaun Tribunál	: Singulár
Juis	: Dr. Alvaro Maria Freitas
Prokuradòr	: Dr. Napoleão Soares da Silva
Defeza	: Dr. Francisco Caitano Martins
Tipu pena	: Omologa dezisténsia keixa

Iha 31 Maiu 2017, Tribunál Distritál Suai prezide prosesu tentativa konsiliaun ba krime ofensa ba integridade fízika simples ne'ebé envolve arguidu EMDR, AA, EDS no PDBTM hasoru lezadu ADCH, iha Distritu Covalima.

Akuzasaun hosi Prokuradór

Prokuradór akuza katak iha 13 Agostu 2015, arguidu sira ho nervozu ba iha lezadu ninia-uma no hamutuk tebe lisuk iha lezadu nia kidun no lezadu monu ba baleta kuak no rezulta moras no bubu iha lezadu nia-liman no ain tu'ur. Kazu ne'e akontese tanba lezadu lori rai ne'ebé eskavator suru ba fa'an ba komunidade sira no insulta arguidu sira katak arguidu sira ba iha servisu so buka feto de'it, tanba ne'e arguidu sira lasimu.

Prokuradór akuza arguidu sira kontra artigu 145 kona-ba ofensa ba integridade fizika simples ho moldura penál too tinan 3 ka multa.

Produsaun ba provas

Antes tama ba produsaun ba provas, bazeia ba artigu 262 KPP kona-ba tentativa ba konsiliaun, juis husu atu halo tentativa konsiliaun ba arguidu sira no lezadu.

Iha prosesu tentativa konsiliaсаun ne'e, arguidu sira husu deskulpa ba lezadu no promete sei la komete tan krime hasoru lezadu no ema seluk iha futuru. Tanba ne'e lezadu husu ba Tribunál atu dezisté nia-keixa hasoru arguidu sira.

Alegasaun finál

Prokuradór no defeza apresia akordu dame ne'ebé parte rua desde ona no husu ba Tribunál atu omologa prosesu ne'e.

Desizaun

Bazeia ba pedidu dezisténsia hosi lezadu no akordu dame husi parte sira, Tribunál omologa dezisténsia keixa ne'e no husu ba arguidu sira atu la repete sira ninia hahalok iha futuru.

10. Krime la halo tuir obrigasaun alimentár

Nú. Prosesu	: 0012/17.PDSUA
Kompozisaun Tribunál	: Singulár
Juis	: Dr. Constancio Barros Basmery
Prokuradór	: Dr. João Marques
Defeza	: Dr. Albino de Jesus Pereira
Tipu pena	: Omologa dezisténsia keixa

Iha 23 Maiu 2017, Tribunál Distritál Suai liuhosi Tribunál Movél iha Distritu Manufahi, prezide julgamentu leitura sentesa ba krime la halo tuir obrigasaun alimentár ne'ebé envolve arguidu JX hasoru lezada EMdJC, iha Distritu Manufahi.

Akuzasaun hosi Prokuradór

Prokuradór akuza katak iha 13 Marsu 2016, arguidu diskuti malu hoлезада no sai hosi uma to'o agora nunka fó alimentasaun ba ninia-oan nain rua ne'ebé sei idade menór hela.

Prokuradór akuza arguidu kontra artigu 225 KP kona-ba la halo tuir obrigasaun alimentar ne'ebé ho moldura penál to'o tinan 3 ka multa.

Produsaun ba provas

Antes tama ba produsaun ba provas, bazeia ba artigu 262 KPP kona-ba tentativa ba konsiliasaun, juis husu atu halo tentativa konsiliasaun ba arguidu noлезада.

Iha prosesu konsiliasaun ne'e,лезада hakarak dezisté nia-keixa hasoru arguidu, maibé ho kondisaun katak arguidu tenke fó osan US\$80.00 kada fulan ba ninia oan nain-rua no arguidu mós aseita ho pedidu ne'e. Tanba ne'eлезада husu ba Tribunál atu dezisté nia-keixa hasoru arguidu.

Alegasaun finál

Prokuradór no Defeza apresia akordu dame ne'ebé parte rua deside ona no husu ba Tribunál atu omologa prosesu ne'e.

Desizaun

Bazeia ba pedidu dezisténsia hosiлезада no akordu dame husi parte sira, Tribunál omologa prosesu ne'e ho kondisaun katak arguidu tenki kumpri nia promesa atu fó osan US\$80.00 kada fulan ba nia oan nain rua.

11. Krime ofensa ba integridade fízika simples ho natureza violénsia doméstika

Nú. Prosesu	: 0008/16.MFFBL.
Kompozisaun Tribunál	: Singulár
Juis	: Dr. Alvaro Maria Freitas
Prokuradòr	: Dr. Matias Soares
Defeza	: Dr. Albino de Jesus Pereira
Tipu pena	: Pena prizaun fulan 2 suspende tinan 1

Iha 24 Maiu 2017, Tribunál Distritál Suai liuhosi Tribunál Movél iha Distritu Manufahi, prezide julgamentu leitura sentesa ba krime ofensa ba integridade física simples ne'ebé envolve arguidu AD hasoru nia feen, iha Distritu Manufahi.

Akuzasaun hosi Prokuradór

Prokuradór akuza katak iha 02 Agosto 2015, arguidu tuku dala 1 iha lezada nia hasan parte loos no sama lezada nia kidan no resulta moras no bubu iha lezada ninia hasan no kidan. Kazu ne'e akontese arguidu ho lezada diskute malu kona-ba sira-nia viazen atu ba Oecusse ba prosesu serimónia funerál lezada nia avo-nian.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3 no 35 (b) LKVD.

Produsaun ba provas

Iha julgamentu, arguidu konfesa faktus hotu iha akuzasaun, arrepende ona nia hahalok no foin primeira-vez komete krime hasoru lezada. Aleinde ne'e lezada kontinua mantein no konfirma faktus iha akuzasaun.

Alegasaun finál

Prokuradór konsidera arguidu provadu komete krime tuir akuzasaun, no ba interese prevensaun atu arguidu la bele repete tan ninia hahalok ne'e iha futuru, husu ba Tribunál atu kondena arguidu ho pena prizaun fulan 2 suspende ba tinan 1.

Enkuantu, Defeza husu ba Tribunál atu aplika pena ne'ebé adekuadu ba arguidu, tanba arguidu konfesa faktus hotu, arrepende ona nia hahalok.

Desizaun

Tribunál prova katak arguidu komete duni krime hasoru lezada tuir faktus husi akuzasaun. Bazeia ba provas ne'e, Tribunál konklui no kondena arguidu ho pena prizaun fulan 2 suspende ba tinan 1.

12. Krime ofensa ba integridade fízika simples

Nú. Prosesu	: 0019/15/MFMFI
Kompozisaun Tribunál	: Singulár
Juis	: Dr. Alvaro Maria Freitas
Prokuradòr	: Dr. Napoleão Soares da Silva
Defeza	: Dr. Francisco C. Martins
Tipu pena	: Omologa dezisténsia keixa

Iha 24 Maiu 2017, Tribunál Distritál Suai liuhosi Tribunál Movél iha Distritu Manufahi, prezide prosesu tentativa konsiliaisaun ba krime ofensa ba integridade fízika simples ne'ebé envolve arguidu LFA, OVP, EMB no BTB, hasoru lezadu TDCP, iha Distritu Manufahi.

Akuzasaun hosi Prokuradór

Prokuradòr akuza katak iha 12 Novembru 2015, lezadu ho motor tula nia namorada atu fila ba uma. Iha dalan hasoru arguidu LFA no BTB no hapara lezadu hodi obriga lezadu tula fali arguidu LFA no BTB maibé lezadu lakohi, tanba ne'e derepente

arguidu LFA tuku dala 1 iha lezadu nia kabas no lezadu tun hosi motor arguidu kontinua tebe dala 3 iha lezadu nia kabas. Enkuantu arguidu BTB tuku dala ida iha lezadu nia hirus-matan no arguidu OVP lori ai-rohan baku dala rua iha lezadu nia liman no arguidu EMB tuku dala 2 iha lezadu nia oin.

Prokuradór akuza arguidu sira kontra artigu 145 KP kona-ba ofensa ba integridade física simples ho moldura penál to'o tinan 3 ka multa.

Produsaun ba provas

Antes tama ba produsaun ba prova, bazeia ba artigu 262 KPP kona-ba tentativa ba konsiliaсаun, juis husu atu halo tentativa konsiliaсаun ba arguidu no lezadu.

Iha prosesu konsiliaсаun ne'e, arguidu sira husu deskulpa ba lezadu no entrega osan US\$120,00 ba lezadu hodi kura fali lezadu ninia-kanek no prejuizu fiziku sira seluk tanba kazu hosi agresaun hirak ne'e. Tanba ne'e lezadu husu ba Tribunál atu dezisté nia-keixa hasoru arguidu sira.

Alegasaun finál

Prokuradór no Defeza apresia akordu dame ne'ebé parte deside ona no husu ba Tribunál atu omologa prosesu ne'e.

Desizaun

Bazeia ba pedidu dezisténsia hosi lezadu no akordu dame hosi parte sira, Tribunál konklui no omologa prosesu ne'e.

13. Krime espésie ameasada ka ho perigu atu hotu

Nú. Prosesu	: 03/16.MFFBL.
Kompozisaun Tribunál	: Singulár
Juis	: Dr. Alvaro Maria Freitas
Prokuradòr	: Dr. Matias Soares
Defeza	: Dr. Albino de Jesus Pereira
Tipu pena	: Pena multa

Iha 24 Maiu 2017, Tribunál Distritál Suai liuhosi Tribunál Movél iha Distritu Manufahi, prezide leitura sentesa ba kazu krime espésie ameasada ka ho perigu hotu ne'ebé envolve arguidu MF, DdC no EA hasoru Estadu RDTL, iha Distritu Manufahi.

Akuzasaun hosi Prokuradór

Prokuradór akuza katak iha 02 Marsu 2016, arguidu sira hatun redi hodi kaer ikan no lafaek, maibé hetan maka lafaek hamutuk 17 no oho hodi fa'an.

Prokuradór akuza arguidu sira kontra artigu 218 KP kona-ba espésie ameasada ka ho perigu atu hotu ho moldura penál to'o tinan 3 ka multa.

Produsaun ba provas

Iha prosesu julgamentu, arguidu sira konfesa faktus hotu tuir akuzasaun Prokuradór nian, arguidu sira mós deklara katak fó sala ona ba komunidade sira iha area ne'eba ho valor osan US\$500,00 no fahi ida.

Alegasaun finál

Prokuradór konsidera arguidu sira provadu komete krime espésie ameasada ka ho perigu hotu, tanba ne'e husu ba Tribunál atu kondena arguidu sira ho pena prizaun tinan1 suspende ba tinan 1.

Desizaun

Depoisde avalia faktus ne'ebé produs durante julgamentu, Tribunál prova katak faktus hotu provadu. Bazeia ba provas hirak ne'e Tribunál kondena arguidu sira selu pena multa US\$370.00.

Ba arguidu MF, Tribunál kondena ho pena multa US\$120,00 no sei selu US\$1,00 kada loron durante loron 120. Tribunál mós fiksa pena alternativa durante loron 120 prizaun, wainhira arguidu la kumpri pena multa ne'e.

Arguidu DdC kondena ho pena multa US\$150,00 no sei selu US\$1,00 kada loron durante loron 150. Tribunál mós fiksa pena alternativa loron 150 iha prizaun, wainhira arguidu la kumpri pena multa ne'e.

Alende ne'e ba arguidu EA kondena ho pena multa US\$100,00 no sei selu US\$1,00 kada loron durante loron 100. Tribunál mós fiksa pena alternativa durante loron 100 iha prizaun, wainhira arguidu la kumpri pena multa ne'e.

14. Krime ofensa ba integridade fízika simples ho natureza violénsia doméstika

Nú. Prosesu	: 0002/16.MFALS.
Kompozisaun Tribunál	: Singulár
Juis	: Dr. Alvaro Maria Freitas
Prokuradòr	: Dr. João Marques
Defeza	: Dr. Albino de Jesus Pereira
Tipu pena	: Pena prizaun fulan 6 suspende tinan 1

Iha 25 Maiu 2017, Tribunál Distritál Suai liuhosi Tribunál Movél iha Distritu Manufahi, prezide julgamentu leitura sentesa ba krime ofensa ba integridade fízika simples ho natureza violénsia doméstika ne'ebé envolve arguidu AAB hasoru nia feen AQ, iha Distritu Manufahi.

Akuzasaun hosi Prokuradór

Prokuradór akuza katak iha 10 Novembru 2015, arguidu basa dala ida iha lezada nia ibun, riba lezada ba rai no tuur iha lezada nia leten no kontinua basa dala 2 iha lezada nia hasan sorin karuk no tuku dala 2 iha lezada nia hasan parte loos no karuk.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3 no 35 (b) LKVD.

Produsaun ba provas

Iha julgamentu, arguidu konfesa faktus hotu iha akuzasaun, arrepende ona nia hahalok no promete katak sei la komete tan krime hasoru lezada iha futuru. Aleinde ne'e lezada konfirma no kontinua mantein faktus iha akuzasaun.

Alegasaun finál

Prokuradór konsidera arguidu provadu komete krime tuir akuzasaun Prokuradór nian, tanba ne'e husu ba Tribunál atu kondena arguidu ho pena prizaun fulan 6 suspende ba tinan 1 nu'udar prevensaun ida ba arguidu atu la repete ninia hahalok ne'e iha futuru.

Enkuantu, Defeza husu ba Tribunál atu aplika pena ne'ebé adekuadu ba arguidu, tanba arguidu konfesa, arrepende ona nia hahalok no promete iha futuru sei la komete tan krime hasoru lezada.

Desizaun

Depoisde avalia faktus hotu, Tribunál prova katak arguidu komete duni krime tuir faktus sira iha akuzasaun. Tanba ne'e Tribunál kondena arguidu ho pena prizaun fulan 6 suspende ba tinan 1.

Atu hetan informasaun kompleitu bele kontaktu ba:

Luis de Oliveira Sampaio

Diretor Ezekutivu JSMP

Diresaun e-mail: luis@jsmp.tl

info@jsmp.tl

Telefone: 3323883 | 77295795

Website: jsmp.tl

Face book: www.facebook.com/timorleste.jsmp